



**O'ZBEKISTON RESPUBLIKASI  
OLIY TA'LIM, FAN VA INNOVATSİYALAR VAZİRİNİNG  
BUYRUG'I**

2023 - yil « 9 » avgust 350 -son

Toshkent shahri

**Oliy ta'limi rivojlantirish  
tadqiqotlari markazining Ustavini  
tasdiqlash to'g'risida**

O'zbekiston Respublikasi Prezidentining 2023-yil 3-iyuldagagi "Ma'muriy islohotlar doirasida oliy ta'lim, fan va innovatsiyalar sohasida davlat boshqaruvini samarali tashkil qilish chora-tadbirlari to'g'risida"gi PQ-200-sonli qarori, Oliy ta'lim, fan va innovatsiyalar vazirining 2023-yil 31-iyuldagagi "Oliy ta'limi rivojlantirish tadqiqotlari markazi faoliyatini yanada takomillashtirish to'g'risida"gi 333-son buyrug'i ijrosini ta'minlash maqsadida

**BUYURAMAN:**

1. O'zbekiston Respublikasi Oliy ta'lim, fan va innovatsiyalar vazirligi huzuridagi Oliy ta'limi rivojlantirish tadqiqotlari markazi (bundan keyingi o'rnlarda – Markaz)ning Ustavi ilovaga muvofiq tasdiqlansin.
2. Markaz direktori (Sh.Yakubov)ga:  
ikki hafta muddatda Markaz Ustavini o'rnatilgan tartibda Davlat xizmatlari agentligidan ro'yxatdan o'tkazish;  
Ustavda belgilangan vazifalar ijrosini ta'minlash choralarini ko'rish vazifalari yuklatilsin.
3. Oliy va o'rta maxsus ta'lim vazirligining 2020-yil 18-martdagи "Oliy ta'limi rivojlantirish tadqiqotlari va ilg'or texnologiyalarni tatbiq etish markazining Ustavini tasdiqlash to'g'risida"gi 208-sonli buyrug'i o'z kuchini yo'qotgan deb hisoblansin.
4. Mazkur buyruqning ijrosi ustidan nazorat vazirning birinchi o'rnbosari K.Karimov zimmasiga yuklatilsin.

Vazir



I.Abduraxmonov

**NUSXA  
ASLIGA TO'G'RI**

**O'zbekiston Respublikasi Oliy ta'lim, fan va innovatsiyalar vazirligi  
huzuridagi Oliy ta'limni rivojlantirish tadqiqotlari markazi  
USTAVI**

**I. Umumiy qoidalar**

1. O'zbekiston Respublikasi Oliy ta'lim, fan va innovatsiyalar vazirligi huzuridagi Oliy ta'limni rivojlantirish tadqiqotlari markazi (keyingi o'rnlarda – Markaz) O'zbekiston Respublikasi Prezidentining 2023-yil 3-iyuldaggi "Ma'muriy islohotlar doirasida oliy ta'lim, fan va innovatsiyalar sohasida davlat boshqaruvini samarali tashkil qilish chora-tadbirlari to'g'risida"gi PQ-200-sonli qaroriga ko'ra O'zbekiston Respublikasi Oliy va o'rta maxsus ta'lim vazirligi huzuridagi Oliy ta'limni rivojlantirish tadqiqotlari va ilg'or texnologiyalarni tatbiq etish markazi negizida tashkil etilgan.

2. Markaz O'zbekiston Respublikasi Oliy va o'rta maxsus ta'lim vazirligi huzuridagi Oliy ta'limni rivojlantirish tadqiqotlari va ilg'or texnologiyalarni tatbiq etish markazining huquqiy vorisi hisoblanadi.

3. Markaz o'z faoliyatini O'zbekiston Respublikasi Konstitutsiyasi va qonunlari, O'zbekiston Respublikasi Oliy Majlisi qarorlari va boshqa hujjatlariga, O'zbekiston Respublikasi Prezidentining farmonlari, qarorlari va farmoyishlari, O'zbekiston Respublikasi Vazirlar Mahkamasining qarorlari va farmoyishlari, Oliy ta'lim, fan va innovatsiyalar vazirligining Hay'at qarorlari, buyruqlari hamda ko'rsatmalari, shuningdek, mazkur Ustav asosida amalga oshiradi.

4. Markaz o'z faoliyatini Oliy ta'lim, fan va innovatsiyalar vazirligi, oliy ta'lim muassasalari hamda boshqa tegishli tashkilotlari bilan o'zaro hamkorlikda amalga oshiradi.

5. Markaz faoliyati bo'yicha Oliy ta'lim, fan va innovatsiyalar vazirligiga bo'ysunadi va tegishli muddatlarda Markaz faoliyati yuzasidan hisobot taqdim qiladi.

6. Markaz yuridik shaxs hisoblanadi, O'zbekiston Respublikasi Davlat gerbi tasviri tushirilgan va o'z nomi yozilgan muhrga ega bo'ladi.

7. Markazning rasmiy nomi:

– davlat tilida to'liq nomi – O'zbekiston Respublikasi Oliy ta'lim, fan va innovatsiyalar vazirligi huzuridagi Oliy ta'limni rivojlantirish tadqiqotlari markazi;

– rus tilida to'liq nomi – Центр исследований развития высшего образования при Министерстве высшего образования, науки и инноваций Республики Узбекистан;

– ingliz tilida to'liq nomi – Center for the Research on Development of Higher Education under the Ministry of Higher Education, Science and Innovation of the Republic of Uzbekistan.

8. Markazning yuridik manzili: 100095, Toshkent shahri, Olmazor tumani, 2-Chimboy ko'chasi, 96-uy.

## **II. Markazning asosiy vazifalari va funksiyalari**

9. Quyidagilar Markazning asosiy vazifalari hisoblanadi:

oliy ta'limning davlat ta'lim standarti asosida me'yoriy-uslubiy hujjatlar, malaka talablari va ta'lim dasturlarini tahlil qilish;

oliy ta'lim muassasalarida o'quv jarayoni uzlusizligini metodik jihatdan ta'minlash;

ta'lim dasturlariga kiradigan barcha fanlar bo'yicha yangi avlod o'quv adabiyotlarini tahlil qilish, tayyorlash va nashr etishni tashkil qilish;

davlat namunasidagi qat'iy nazoratdagi hujjatlar hisobini yuritish, elektron bazani shakllantirish va ular bilan oliy ta'lim muassasalarini ta'minlash;

oliy ta'lim muassasalarining axborot-resurs markazlari faoliyatini muvofiqlashtirish;

oliy ta'limni rivojlantirish bo'yicha ilg'or xorijiy tajribani tadqiq qilish va ularning natijalarini ommalashtirish.

10. Yuklatilgan vazifalarni bajarish uchun Markaz quyidagi asosiy funksiyalarni bajarishga haqlidir:

oliy ta'limning davlat ta'lim standarti asosida me'yoriy-uslubiy hujjatlar, malaka talablari va ta'lim dasturlarini tahlil qilish, ekspertizadan o'tkazish;

bakalavriat va magistratura ta'lim bosqichlarining malaka talablari, o'quv rejalarini va fan dasturlarining uzviyligi hamda uzlusizligini ta'minlash;

xalqaro standartlar asosida me'yoriy-uslubiy hujjatlarni takomillashtirish bo'yicha tadqiqotlar olib borish, shuningdek, seminar-treninglar hamda davra suhbatlarini tashkil etish;

oliy ta'lim yo'nalishlari va mutaxassisliklari Klassifikatorini ishlab chiqish va takomillashtirish, unga o'zgartirish hamda qo'shimchalar kiritish bo'yicha takliflar ishlab chiqish;

oliy ta'lim muassasalarida ta'lim dasturlariga kiradigan barcha fanlar bo'yicha yangi avlod o'quv adabiyotlarini yaratish ishlarini tahlil qilish, tayyorlash va nashr etishni tashkil qilish;

davlat namunasidagi qat'iy nazoratdagi hujjatlar hisobini yuritish, elektron bazani shakllantirish va ular bilan oliy ta'lim muassasalarini ta'minlash;

oliy ta'lim muassasalarining axborot-resurs markazlari faoliyatini muvofiqlashtirish, foydalanuvchilarga zamonaviy axborot-kutubxona xizmatini ko'rsatish ishlarini tashkil etish;

oliy ta'limni rivojlantirish, ta'lim sifatini oshirish bo'yicha ilg'or xorijiy tajribani tadqiq qilish, tadqiqotlar o'tkazish va ularning natijalarini ommalashtirish;

iqtidorli yoshlar qobiliyatlarini kashf etish va rivojlantirish maqsadida respublika va xalqaro fan olimpiadalarini tashkil etish.

## **III. Markazning huquq va majburiyatları**

11. Yuklatilgan vazifa va funksiyalarni bajarish uchun Markaz quyidagi huquqlarga ega:

o'ziga yuklatilgan vazifalar ijrosi yuzasidan turli vazirlik va idoralar, tashkilotlar bilan hamkorlik qiladi;

o'z vakolati doirasida oliy ta'lim muassasalari faoliyatini o'rganadi, tahlil qiladi hamda vazirlik rahbariyatiga takliflar kiritadi;

tashqi iqtisodiy va xo'jalik faoliyatini, shuningdek, O'zbekiston Respublikasi qonunchiligidagi taqiqlanmagan boshqa xizmatlarni shartnoma asosida amalga oshiradi.

Markaz O'zbekiston Respublikasi qonunchiligiga muvofiq boshqa huquqlarga ham ega bo'lishi mumkin.

12. Markaz quyidagilar uchun mas'ul:

O'zbekiston Respublikasi Prezidenti, Hukumat va vazirlik topshiriqlarining o'z vaqtida va sifatli bajarilishiga;

Markazga yuklangan vazifalar va funksiyalarning samarali tashkil etilishiga; Jismoniy va yuridik shaxslar murojaatlarining ko'rib chiqilishiga;

Markaz mabalag'laridan samarali foydalanish hamda yuklatilgan vazifalarning sifatli bajarilishiga.

#### **IV. Markaz faoliyatini tashkil etish**

13. Markazga Oliy ta'lif, fan va innovatsiyalar vaziri tomonidan lavozimga tayinlanadigan va lavozimdan ozod qilinadigan direktor boshchilik qiladi.

14. Direktor:

Markaz faoliyatiga yakka boshchilik asosida umumiy rahbarlik qiladi;

Markaz vakolatiga kiruvchi masalalar bo'yicha qarorlar qabul qiladi hamda yuklatilgan vazifalar va funksiyalar bajarilishi uchun javob beradi;

vazirlik bilan kelishgan holda o'z o'rinnbosarini lavozimga tayinlaydi va lavozimdan ozod qiladi;

Markaz xodimlari tomonidan bajarilishi majburiy bo'lgan vazifa va topshiriqlarga oid buyruqlar chiqaradi hamda ko'rsatmalar beradi;

vazirlik bilan kelishgan holda Markaz shtat jadvalini va xarajatlar smetasini tasdiqlaydi;

Markazning tarkibiy boshqarma va bo'linmalari to'g'risidagi nizomlar, lavozim yo'riqnomalarini belgilangan tartibda tasdiqlaydi;

ichki tartib qoidalarini joriy qiladi va belgilangan tartibda tasdiqlaydi;

mehnat qonunchiligi talablaridan kelib chiqqan holda xodimlar bilan mehnat shartnomalarini tuzadi va bekor qiladi.

Direktor barcha davlat va xo'jalik organlarida, mahalliy ijro etuvchi hokimiyat organlarida, jamoat birlashmalarida va boshqa tashkilotlarda, shuningdek, chet elda Markaz nomidan vakillik qiladi.

Bundan tashqari, amaldagi qonunchilik va mazkur Ustavga muvofiq direktor boshqa vakolatlarni amalga oshirishi mumkin.

15. Markaz tuzilmasiga belgilangan shtatlar soni doirasida o'zgartirishlar kiritish Oliy ta'lif, fan va innovatsiyalar vazirligi tomonidan amalga oshiriladi.

16. Markazning tarkibiy bo'linmalarini boshqarma va bo'limlar tashkil qiladi. Ularga boshqarma va bo'lim boshliqlari rahbarlik qiladi. Bo'limlarda bosh va yetakchi xodim lavozimlari mavjud bo'ladi.

17. Markaz boshqarma va bo'limlari belgilangan vazifa hamda funksiyalarni amalga oshirish uchun tegishli nizom hamda ushbu Ustav asosida faoliyat olib boradi.

## **V. Markaz mol-mulki va faoliyatini moliyalashtirish**

18. Markazning mol-mulki asosiy va aylanma mablag'lar hamda narxi mustaqil balansida belgilangan boshqa boyliklardan tashkil topadi.

19. Asosiy mablag'lar jamg'armasi Markazga biriktirilgan qurilmalar, jihozlar, transport vositalari va boshqa mol-mulkardan iboratdir.

20. Markaz faoliyatini moliyalashtirish manbalari quyidagilar:

O'zbekiston Respublikasi Davlat byudjeti mablag'ları;

davlat ilmiy-texnika dasturlarini amalga oshirish uchun ajratilgan O'zbekiston Respublikasi Davlat byudjeti mablag'ları;

respublika ilmiy tadqiqot loyiha grantlari;

xalqaro moliya tashkilotlarining grantlari;

shartnoma asosida xizmatlar ko'rsatishdan tushadigan tushumlar;

jismoniy va yuridik shaxslarning homiylik xayriyalari;

qonun hujjatlarida taqiqlanmagan boshqa manbalar.

21. Moliyaviy faoliyat doirasida Markaz quyidagi funksiyalarni amalga oshiradi:

mablag'larni mumkin qadar tejaydi (iqtisod qiladi), ularni ko'paytiradi va oqilona foydalangan holda mustaqil ravishda sarflaydi;

davlat byudjeti bo'yicha bank muassasalari, ta'minlovchi, yollanuvchi va boshqa shartnoma (kontrakt) tuzgan tashkilotlar bilan belgilangan tartibda hisob-kitob ishlarini olib boradi;

tezkor moliyaviy va statistik hisobotlarni yuritadi va qonunda belgilangan tartibda javobgar hisoblanadi.

22. Markaz vaqtinchalik foydalanilmayotgan jihoz, uskuna va transport vositalarini boshqa tashkilot hamda korxonalarga ijara berishi mumkin. Ijaraga berilgan jihoz, uskuna va transport vositalari uchun to'lovlar mavjud shartnomaviy munosabatlar orqali amalga oshiriladi.

23. Markazning o'z majburiyatlari bo'yicha naqd pul bilan hisob-kitobi O'zbekiston Respublikasi qonunchiligi va boshqa me'yoriy-huquqiy hujjatlariga binoan kassa operatsiyalarini amalga oshirish qoidalariga muvofiq amalga oshiriladi.

## **VI. Jamoat tashkilotlari**

24. O'zbekiston Respublikasi qonunchiligiga muvofiq Markazda turli jamoat (kasaba uyushmasi, xotin-qizlar qo'mitasi, jamoatchilik va ilmiy kengashlar) tashkilotlari tuzilishi mumkin.

25. Kasaba uyushmasi Markaz ma'muriyati bilan o'z munosabatlarini jamoa shartnomasi asosida olib boradi. Shartnoma Mehnat kodeksiga muvofiq Markaz xodimlari huquqlari va manfaatlarini himoya qilish maqsadida "Kasaba uyushmalari, ularning huquqlari va faoliyatining kafolatlari to'g'risida"gi O'zbekiston Respublikasi Qonuniga muvofiq tuziladi.

26. Jamoa shartnomasi Markazning barcha bo'linmalarini ishtirokida muhokama qilinib, o'zgartirish va to'ldirishlar kiritilganidan keyin jamoanining (xodimlarning kamida 70 foizi ishtirokida) umumiy majlisida qabul qilinadi.

27. Jamoa shartnomasi direktor va kasaba uyushmasi raisi tomonidan imzolangan kundan kuchga kiradi.

## **VII. Xalqaro hamkorlik**

28. Markaz oliv ta'lim sohasida O'zbekiston Respublikasi qonunchiligi doirasida xorijiy davlatlarning turdosh tashkilotlari va muassasalari bilan hamkorlik qiladi, shartnomalar tuzadi, xalqaro loyiha va dasturlarda ishtirok etadi.

29. Markaz xalqaro hamkorlik va aloqalar natijasida olingan ma'lumotlar, tadqiqotlar natijalaridan samarali foydalanadi va oliv ta'lim tizimiga keng joriy qilish bo'yicha taklif-tavsiyalar ishlab chiqadi.

30. Markazda xalqaro tajriba almashish va malaka oshirishni yo'lga qo'yish masalalari Oliy ta'lim, fan va innovatsiyalar vazirligi bilan kelishilgan holda amalga oshiriladi.

31. Markaz kadrlar tayyorlash doirasida xalqaro ilmiy, ilmiy-amaliy konferensiya, simpozium, anjuman va ko'riklarni tashkil qiladi, shuningdek, xorijiy davlatlar tadbirlarida ishtirok etish huquqiga ega.

## **VIII. Markaz faoliyatini tugatish va qayta tashkil etish**

32. Markaz faoliyatini tugatish va qayta tashkil etish qonun hujjatlarida belgilangan tartibda amalga oshiriladi.

33. Ushbu Ustavga o'zgartirish va qo'shimchalar kiritish belgilangan tartibda Oliy ta'lim, fan va innovatsiyalar vazirligi buyrug'i bilan amalga oshiriladi.